



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七二一

伯英遺稿三卷西笑山房詩鈔三卷 于鍾岳撰

一

問奇室詩集二卷問奇室詩續集一卷問奇室文集一卷秋雅一卷 蔣曰豫撰

八七

蒿庵文集八卷 莊 棫撰

一五五

蒿庵遺集十二卷 莊 棫撰

二三七

縵雅堂詩十卷 王詒壽撰

三二七

縵雅堂駢體文八卷 王詒壽撰

四三九

笙月詞五卷花影詞一卷 王詒壽撰

五二五

碧城詩鈔十二卷碧城雜著三卷 俞功懋撰

五六五

退一步齋詩集



序

國家舍和詠仁詩學詩賦子經術五篇增帖相望其流風至今未沫然於家自李杜人各王孟其間膏肓而論之文稱其質言之有物枝幹挺達花葉比附辭彼五色藻績措體雅宜七寶金屏擗地斯涌千珍萬變而不離其宗者學人之詩也渾洋竹垞愚山初白之流是也氣運錄古詞來切今上九天下九淵如切利散粍續終氤氲成連動操迴腸盪

序一

氣妍辭詭思而筆舌若互用者才人之詩也縣津秋谷西崖隨園之流是也健幽鑿險一往凌厲其境若太行詰屈縣級乃上禹門洄流激浪以渡鉅心劇目而不兀鼻不可一世者時人之詩也船山王澐仲則仲瞿之流是也三者所詣各殊所成就亦不同而要其不詭於正則一今觀子巖屢訪退一步齋詩其庶幾乎人之詩乎子巖根柢深厚學有本原自定少時即操筆為歌詩通籍而後入鳳池直樞要官輟所至南

事匪惟彰歷史之榮名良足貽來哲之矩範惜黔地僻左軍旅中載筆記述者稀若星鳳僅於私人著述中略見一二即銳志纂述殊有著筆無從之感比年紫江桂辛朱丈殫心述作丙丁以還感國勢之淪胥慮文獻之凋喪遂乃博采窮蒐凡關於黔人黔事者咸網羅無遺焉適有以故紙一束求售者謂爲于公遺物試啓視之則塵封蠹蝕不可爬搔乃尅志研稽朝夕尋檢獲其公牘遺文暨家屬函札凡若干篇舉以相示屬爲之釐其端緒俾其遺烈不致泯沒會署中嬰腹疾擱置累月茲

于鍾岳別傳

二 黔南叢書

幸小瘥乃發篋搜其詩文公牘復徵之平黔紀略諸書草爲此編在昔名人傳著或出其宦裔或發自友朋恒多失實之詞不無過情之譽茲則援據手稿旁及官書期傳信於方來匪沾直於俄頃夫黔亂兩紀膺難者不啻數百萬人其從容死事舉家同殉者詎僅于氏一門顧書闕有間文獻莫徵惟于公以一介書生從軍十載妻孥不以動其心恩怨不以撓其志屢嬰寇難百折不回而位不過監司年不逾中歲卒乃身殉荒邱血膏原野先軫之元未歸趙孟之忠無後其軍中遺牘乃幸存

於孤嫠之手是固可哀抑亦獨幸者已今滄海橫流世變之來大於黔亂者千百彼荷戈前驅之將士與仗節守土之司牧苟有聞于公之風而奮然興起者則斯篇之作其亦于公九京所心許者乎

傳略

于鍾岳字伯英漢軍鑲紅旗人襄勤公裔孫曾祖鰲圖江蘇按察使祖卿保河南黃沁廳同知父崇璟道光十七年部選貴州綏陽縣知縣鍾岳年八歲從父之官迭隨任龍泉綏陽諸縣廿九年祖卿保誕日鍾岳赴衛輝

于鍾岳別傳

三 黔南叢書

代父致祝翌年春返黔有紀行詩曰游梁小草咸豐四年父任普安縣知縣舉家同行八月蒞任十一月白號賊涂令恒破縣城環朝服罵賊死岳母張妻司女弟鍾順鍾瑞鍾秀婢小梅皆同殉焉岳及弟鍾毓先出外乞援聞變即率援軍乞鄉團進勦三日而縣城復岳率軍追賊先後十二戰獲賊首劉阿閏等時興義府知府張謨嘉其功奏獎岳爲州同毓爲知縣未幾毓以積勞病卒六年岳以墨經從張謨及總兵巴揚阿軍轉戰貴定都勻間以解都勻圍功總督恒春奏獎以知州選用七

于鍾岳別傳

四 黔南叢書

年服闋續娶楊氏八年以貴陽府知府劉書年之薦委署正安州知州五月蒞任下車即飭團設防七月婺川匪竄州境遂會江炳琳勦螺螄賊解秦安慶軍圍十一月攻石笋獲賊首申三山收復婺川縣城螺螄石笋皆婺川轄境地奇險賊恃爲窟宅者也九年三月以越境剿賊功奏獎直隸州知州並賞戴花翎十月賊陷涪潭護貴西道寶奉家檄鍾岳馳防馬頭山十二月岳遣軍擊破老鴉山賊復會廖遇春諸軍尅期復涪潭留軍援龍泉已而賊攻龍泉急鍾岳由馬頭山馳進破賊燈籠山三把車進復永興場十年正月卒合諸軍復涪潭縣城二月會川軍破青雲山鳳凰寨賊巢誅賊首賀世愚等秦安慶軍營水涯子爲涪賊攻陷鍾岳自永興場馳援營任家橋賊力攻之以秦軍援至始解八月綏陽旺里三甲教匪起鍾岳回勦督攻曾家山賊巢以功奏獎候補知府十一年五月解正安州職六月檄署遵義綏陽桐梓三縣督辦遵綏涪總軍務題補都勻府已而開缺以道員用並賞武勇巴圖魯加按察使銜是時白號賊攻遵義其頭鍾岳遣張師敬防蝦子場自率勇攻麻

于鍾岳別傳

五 黔南叢書

家壩敗之旋所遣軍失利賊集攻岳營甚危岳力禦夜出死士火賊營會所遣援胡先海至合擊之始解鍾岳馳入禹門寺與賊相持同治元年壬戌正月鍾岳敗賊於綠塘河遣吳元彪等攻大壩關牛坎蕭家壩賊營皆下之四月賊不支退走隆平於是岳家壩唐寶石諸賊皆走鍾岳與沈宏富剿賊於三岔河敗之於大錫廠復敗之於馬家河後壩場閏七月粵匪以二十萬衆假石達開旗幟圍遵義城鍾岳馳返郡城謀防守部署方定賊麇至賴事先有備岳率衆力禦賊始退二年鍾岳以公入省二月朔奉檄委署貴西道兼攝威甯州事適清鎮被圍省城吃緊留辦城防局十九日聞其祖父卿保於元年十一月病逝於河南輝縣請假成服時沈宏富往援桐梓鍾岳在省遵義上溪場賊圖襲郡城岳部秦安慶敗歿於懶板凳賊鋒遽及忠莊鋪距城十里勢張甚黔撫張亮基至自遵義嚴斥鍾岳宏富摘去翎頂勒限剿賊蓋初蒞新任不知鍾岳已呈報丁憂也沈宏富馳回與鍾岳連戰皆捷遂復螺螄堰三月張撫入貴陽接巡撫篆兼署提督

前撫韓超提督田恩因數案免

檄鍾岳馳赴正安查

辦匪徒打毀警局事遵義軍務暫付張日倫追鍾岳返省呈請赴豫奔喪未允四月雲貴總督勞崇光至黔查辦教案會張撫檄委鍾岳督辦省防南路軍務三年六月黃幺驛潘名杰諸賊踞貴定圖窺省城進至觀音山距省僅三十里九月鍾岳率軍自谷脚進軍至賴岩關擊潰之十月賊悉衆由烏乍鋪還攻岳營岳成部曲包圍等堅守勿動伺隙出擊已而賊來攻與等憤而應戰咸各奔潰賊復圍攻岳營岳分部諸軍各自爲戰勿妄動勿牽制自率軍分道突擊之賊悉走平伐攻青岩定

于鍾岳別傳

六 黔南叢書

番踞之先是滇督勞崇光黔撫張亮基檄鍾岳乘虛直擣貴定賊巢鍾岳復稱賊雖分竄而潘賊實未離巢且賊衆我寡分剿則力薄合擊又慮分擾並慮孤軍深入無接濟之糧秣無犄角之兵力勢必潰退請率所部赴定番與鄧爾巽等分擊請遣軍駐賴岩關觀音山以資彈壓等語十二月定番州城果爲賊陷進逼青岩距省咫尺勢極危鍾岳自雞場馳回檄諸軍習上馬橋赤土因擊退定番賊賊走騎龍司四年乙丑二月鍾岳潘賊率衆進逼鍾岳自雞場移軍龍里守縣南虎頭山參將

張樸率軍駐龍里縣城中調潘賊大至遂引軍退雞場都司唐天佑亦退黃泥哨賊環攻鍾岳營圍數匝力禦一晝夜營陷被害同殉者官吏十餘人練勇四百餘人賊屢爲鍾岳所創迭攻省垣不得志銜之至深必欲得之鍾岳殉後賊支解其屍且剖其臟腑去可謂慘矣旋黔撫張據其家屬呈報殉難批謂于道以一旅之師禦方張之寇力竭身殉憫惜殊深而其於各營奔潰之後當糧盡援絕之餘猶能慷慨誓師死守孤營絕無退縮之意臨難不苟大節凜然殊爲可嘉可敬仰候專摺奏

于鍾岳別傳

七 黔南叢書

請優卹以慰忠魂而勵臣節云云旋奉上諭于鍾岳照臬司陣亡例從優賜卹嗣經部議給卹銀六百兩而蔭襲之案以黔撫未將履歷冊報遷延十餘年及光緒十二年始追贈爲太常寺卿給予騎都尉世職襲次完時以恩騎尉罔替並准於死事地方及省城建立專祠云

家世

鍾岳爲襄勤公成龍七世孫襄勤子永裕字桂實襲三等輕車都尉尉孫宗漢字紫亭是爲鍾岳高祖乾隆甲戌進士改官工部充則例館提調儲濟舊太倉通運西倉

監督擢御史病卒著有來鶴堂全集十四卷錢大昕王鳴盛邵齊熊皆重之岳之曾祖鰲圖字治來乾隆庚寅舉人由知縣官江蘇歷宰長洲震澤金山諸縣任徐州府擢淮揚道湖北江安糧道以防河功加按察使銜著有習靜軒詩文制藝二十餘卷祖卿保字輔臣號邦山以嘉慶十五年分發東河任黃沁廳同知歷任下北祥河南儀等廳道光十四年以堵禦原武陽武支河險工由河督栗毓美奏保加知府銜二十年以病乞休僑居輝縣蘇門山兄弟五人好吟詠著有是吾齋詩集八卷

于鍾岳別傳

八 黔南叢書

續集四卷父崇璵字堃漁卿保長子璵弟榮光東河候補縣丞慶頤河南歸德府甯陵縣主簿皆早世璵以道光十七年部選授貴州綏陽縣知縣十八年六月舉家到黔黔撫慮其年少未諳吏事留省學習是歲冬仁懷縣賊謝法直倡亂隨總督伊里布勦賊任糧台十九年檄委代理長寨同知八月調署龍泉縣廿二年始飭赴綏陽本任居綏三年勸民種桑育蠶民皆化之廿五年解運京鉛赴京便赴衛輝省父咸豐元年調署饒安縣四年飭赴普安縣任蒞事數月巴林賊涂令恒起陷普

安縣丞分駐之新城汎承平日久兵械俱闕城中兵僅廿一名乃修城隍完倉廩令幕客孫藉船典史馬世臣守城世臣稱赴鄉召募竟不返璵令長子鍾岳如平彝乞師鍾毓詣鄉召團練及十一月初賊陷安南縣璵知事不可爲賦絕命詩四章付幕客孫懷出與家人訣別初七日昧爽賊至璵朝服坐堂罵賊不屈遇害行年四十有七妻張恭人女鍾順鍾瑞鍾秀鍾岳婦司氏婢小梅皆投繯以殉城陷後三日鍾毓泣乞練勇爲助衆感其義咸爲効死初十日復縣城始收殮遺骸鍾岳率練

于鍾岳別傳

九 黔南叢書

團追勦竄匪先後十二戰擒匪首劉阿閩僞軍師劉九倫鍾岳自是始從事於軍旅鍾毓以功獲保知縣翌年以病卒璵所著有伴石軒詩鈔鍾岳輯其散佚爲一卷刻之黔中璵父卿保聞璵殉難有詩哀之見是吾齋集同治元年十一月卒於河南輝縣時鍾岳方題補都勻府攝遵義縣事入省委署貴西道兼攝威甯州知州未及赴任二月聞計丁承重憂請假赴豫奔喪未允張撫亮基奏留允督辦省防南路軍務轉戰龍里貴定間四年三月遂及於難無子繼室楊僅一女小字貴格名佩蘭其

從弟鍾吉官蜀岳沒後二年生一子名延忠楊撫以爲嗣光緒十四年始獲承襲二十年其女佩蘭歸翰林院學士許澤新翌年遽卒二十三年楊以延忠官鄂赴鄂就養且扶櫬歸葬以事留滯鄂垣二十六年延忠亦卒崇琿有女弟修儒字子靜工吟詠適張氏雲裳著有靜宜吟館詩鈔卿保是吾齋續集四卷刻於同治四年即修儒所輯也

戰績

鍾岳家世儒修未嫻軍旅自其父殉難後誓志復仇自

于鍾岳別傳

十 黔南叢書

普安勦賊擒劉阿閏後遂從張春潭太守軍時苗亂初起勢甚張咸豐六年丙辰八月龍里貴定兩縣土賊潘名杰等起應苗賊巡撫蔣爵遠檄張春潭辦近省賊鍾岳從之十二月收賊於龍里之張萌卡七年丁巳二月與雲南都司褚克昌分擊賊於四百戶六月從張軍會巴揚阿軍解都勻之圍十一月旋省八年戊午委署正安州知州五月蒞任即飭團布防七月曆辦賊踞守石笋園泰安慶軍於野貓阡賴鍾岳援至始解十月初一日桐梓軍攻克層巒賊趙火槍三近江炳琳復破走刺

于鍾岳別傳

十一 黔南叢書

麻福賊賊走唐猶水岩門鍾岳援擊走之十一月申水煙三招致黃白號諸賊圍攻上都城卒至青家灣距州城僅十里鍾岳方攻石笋未下聞警馳回州城檄團嚴守而自率軍逐賊出且平上壩連戰皆勝練目姚汝勤禽僧勝海等賊遂退隣境婺川縣城先於九月內爲濯水賊陷縣令阮文藻陷賊中令姪博經懷印詣岳營乞援時賊分黨出神溪側溪鍾岳部胡先科收之禽賊首申三山申先靖乘勝迅發直達婺川遂復縣城救阮令出人心始定九年己未八月江炳琳攻疊孔賊白大滿等鍾岳攻石筍誘禽賊首曾喜斬之九月炳琳始擒賊首穆玉朋等蟠踞螺螄六年之賊悉平十月廿二日賊陷湄潭知縣廖遇春走三度關護貴西道資奉家檄鍾岳馳防馬頭山十一月十三日賊攻邊義團溪江炳琳力戰自刎十二月鍾岳擊破余家山老鴉山賊將援龍泉會廖遇春自荷包場集諸軍圍復湄潭岳遣軍功王啓瑞等攻廟壩自出牛渡河尅期會師湄潭而永興高梁賊攻龍泉其急鍾岳遂由馬頭山破賊燈籠山三把車進攻永興場十年庚申正月初一日鍾岳與廖遇

春秦安慶鄧爾巽諸軍擊破涓潭附城賊寨遂復縣城
二月初八日鍾岳與川軍孔廣順等克濯水連破青雲
山鳳凰寨獲賊首賀世愚等涓潭賊趨遵義東南秦安
慶率練團四千餘營水涯子賊陷之鍾岳由永興場馳
援不克退李村六月賊集攻岳營於任家橋秦安慶馳
援始解八月綏陽旺里三甲曾家山教匪起與龍泉賊
應寶奉家檄鍾岳回剿十月廿八日鍾岳督團擊走籬
箕岩賊賊奔曾家山固守岳屢攻之十一年辛酉五月
解正安任以功保知府六月提督護巡撫田興恕檄候

于鍾岳別傳

十二 黔南叢書

補知府鍾岳攝綏陽縣並督辦遵綏涓潭軍務旋兼攝
正安州遵義縣事常駐郡城鍾岳敗賊蟒水連攻旺草
火龍山巖連樹賊營破之綏境東南略清十一月涓賊
掠遵東蝦子場新舟遵義知府李德我及鍾岳遣張師
敬等以千二百人防剿蝦子場別遣練目王人圻出綏
陽緞水進攻以練目彭壽周宋榮三等西出鄭場獅子
山而自率三千人山鄭場進敗賊麻家壩會人圻敗北
蔚周亦爲賊攻鍾岳遣胡先海往援賊旋集攻岳營相
持甚力鍾岳力禦夜出死士火其營先海在獅子山聞

警馳援合擊斃賊三百餘圍始解十二月張師敬與向
宗漢鄺光斌等破賊菜子坡鍾岳馳至留宗漢守之令
光斌守蝦子場自率師敬及吳元彪等進敗賊於新舟
同治元年壬戌鍾岳與賊相持於禹門寺數月賊不支
四月敗潰竄隆平於是岳家坵唐寶石諸賊皆走時粵
賊自四川涪州敗退竄入正桐界松坎各團望風潰退
署正安知州陳鑄告急鍾岳疾馳還遵義西北退防五
月粵賊退叙永遵義解嚴鍾岳與沈宏富自三岔河合
勦隆平賊敗之於大錫廠六月敗之於老溝場又追敗

于鍾岳別傳

十三 黔南叢書

之於馬家河七月鍾岳擊走西平之穿洞六水洞諸賊
進軍溪山溝與宏富合攻後塢場斃賊無算閏七月粵
賊假石達開名義以二十萬衆圍攻遵義城岳聞警馳
返籌防守檄張師敬等分扼大龍山紅花岡把總鄧德
全扼董公寺自扼玉屏山並約全祖凱自南鄉趨馬坎
關邀擊已而賊大至德全軍潰賊遂攻城知府李德我
及護協李秉皋堅守內外城鍾岳督諸軍力禦之賊始
退九月猶猶壩被圍鍾岳馳援始解二年癸亥號匪多
走踞上遵義上溪場宏富鍾岳以秦安慶軍馳防懶板

癸二月初二日賊廣集安慶戰沒進至忠莊鋪宏富時方奉檄勦桐梓賊岳適入省委署貴西道兼攝威寧州知州并以清鎮被圍省防喫緊留辦城防兩局二月十九日聞其祖父卿保卒於河南輝縣呈報丁承重憂新任黔撫張亮基由川至自遵義以秦部陷沒嚴斥宏富鍾岳摘去頂翎勒限勦賊宏富馳回督同千部進剿連戰皆捷遂復螺螄堰三月正安賊毀營局集城下張撫檄鍾岳馳往查辦以軍務付張日崙事竣返省請赴豫奔喪不允奏留充督辦省防南路軍務三年甲子六月

于鍾岳別傳

十四 黔南叢書

苗賊入定番州城已而復出掠廣順翁貴鍾岳遣知州德慶及定廣協副將盧希恒入城九月鍾岳自谷腳進軍賴岩關擊潰觀音山賊山距省僅三十里十月三日苗賊黃么驪潘名杰復由烏乍鋪還攻岳營時岳營水橋以包興營毛栗山以都司田吉應龍登學參將祝友林營東關坡戒固守勿出十六日賊分撲各營與先潰登學吉應皆陣沒友林潰退王官死亡頗衆越日力攻岳營岳令賀朝岡李得貴顧世繁周通等預定部伍分道接戰不爲動已而賊卻分踞龍里城校場坳觀音山

岳部衆乘賊不備分道出擊賊潰走平伐十月廿一日戰再入定番城官吏皆遁鍾岳由青岩馳至與賊戰城下賊收入城先是巡撫張亮基檄鍾岳乘賊四出徑擣貴定老巢岳復稱賊衆我寡分剿則軍力單薄合擊則道路紛歧如果直搗貴定則谷脚以至變城橋一帶必須割有連營我軍過河營牟珠洞規取貴定以十餘營環攻斷其樵汲若孤軍深入勢必糧盡潰退不可收拾竊以爲定番難解諸屬乃省城儲糧之區今年三次被擾不久又將復來擬請率所部赴定番與鄧道爾巽分

三鍾岳別傳

十五 黔南叢書

擊務使賊不入南路如無人之境請遣一軍駐賴岩關或觀音山暫資彈壓等語岳所稱諸地皆省垣附近衝要既以防賊兼顧根本也十二月十八日賊果復陷定番城鍾岳與力戰賊屢攻之不得逞張撫納鍾岳議檄都司張標自鎮江屯移觀音山未幾賊逼青岩鍾岳自雞場馳回擊退之賊走騎龍司去四年乙丑正月岳自雞場移軍龍里扼縣南虎頭山張標及都司唐天佑先後至駐縣城苗酋潘名杰合衆進逼張標調知潘賊將悉衆至遽退走雞場鍾岳檄天佑及李勝山來援天佑

亦退黃泥哨二月初三日賊大至環攻鍾岳營數匝力禦一晝夜營陷被害賊支解之剖其臟腑去從死者都司吳定邦以下官弁數十人練勇四百餘人蓋鍾岳從戎十載屢復州郡而正安遵義皆力保孤城使賊受挫其保障省垣之功尤不可沒故賊銜之甚深必欲得之而後已是役以援軍不力遂致蹉跎出師未捷長城遽壞良可痛也

文藝

鍾岳以清門世胄雅好讀書所至與賢士大夫交游往

千鍾岳別傳

十六

黔南叢書

往見之吟詠所著西笑山房詩鈔曰游梁小草兩卷凡古近體詩八十一首皆道光二十九年己酉省親時所作曰黔南集五卷凡古近體詩一百八十一首爲道光三十年庚戌迄咸豐七年丁巳之作曰正安集兩卷凡古近體詩一百三十二首爲咸豐八年戊午迄十年庚申之作皆刻於正安詩中如詠甲秀樓鐵柱百韻玉盃歌猛虎行縛狐行蠻王洞歌及雜詩放言諸詩或足備史乘或足覘所學惜庚申以後倥傯兵間無暇吟賞然據其遺稿中有曰隨筆疏記者所見良吏忠義一記其

姓名略歷其以爲良能者如鄧應台平翰姚東之孫濂等凡八人其以爲忠義者如容保秦沈世良周藝等凡四十餘人而手鈔唐書列傳自房杜而下百數十人所見佚聞典故楹聯亦各分類紀錄不憚煩瑣又擬編著文稿數十篇茲錄其成篇者如左

尹先生祠堂碑 鳳鳴書院碑 賀長齡別傳 記

貴州提督孝順都勻殉難事 記貴州遵義縣令江

公炳琳死難事狀 記烏蘭泰佚事 記向欣然軍

門佚事 記僧忠親王佚事 記大定府姚東之佚

千鍾岳別傳

十七

黔南叢書

事 祭祖父文 先大夫事略 邦山公哀啓

其待撰而未成篇者如左

林少穆宮保 胡詠之中丞 松相國筠遺事 唐

子方先生 附史編子相唐子方伯事 楊繼業家譜考 昭

通總兵普陀保事 稽峻生總戎克昌 田雪樵先

生傳 聶松島先生會通 張春岩先生問政 提

督佟攀梅字詩橋 蔣玉龍字雲奇 蔣濂生中丞

壽遠 韓南溪超 福韻澍連 徐梅橋川督記培

養川中元氣事 琦善記見州縣事 王雁汀慶雲

習靜軒集

鍾岳曾祖慈圖著集計文治集二卷凡文人四

十餘首嘉慶丁卯崔鶴家為之叙歷官則震

澤金山長洲入都引見及歸東東詩草五卷

則官太倉州四卷則官徐州太守之嘉慶

八年錢竹汀為之序曰袁浦詩草三卷則慶

嘉慶丙寅官淮陽道巡河之作曰兩至金

江吟草一卷三卷則金彭陵門詩草三卷則木蘭堂

又制藝一卷所刻有陳鴻壽劉台斗治舉業之跋

是吾齋初集八卷續集四卷

鍾岳初集為卿保自刊

于鍾岳別傳

三

黔南叢書

蓋宦游防河時所著續集四卷則致仕後
隱居蘇門時所著次女將儒於同治四年
為之校刻大都咸豐季年之作其子崇璣
殉難普安孫鍾岳保知府皆有詩存集

伴石軒詩鈔二卷

鍾岳父崇璣著詩分上下二卷

乙縣及多言情之金北其途初未詩以下卷止於

劉之始及殉節後鍾岳序有咸豐五年自劉吉

楚并趙公擊鶴以携去則當妖氛熾火一

則可觀之散金并重荷香火無緣

西笑山房集六卷

鍾岳親之作曰黔南集則游官黔時草

莫其集官詞教精

靜宜吟館詩鈔一卷

鍾岳次女倩儒著詩字進

及同治己巳扶上世九棺歸葬以詩問業

於膠州柯太夫人李詩書成詩堂百數十

集中有與嫂氏唱和之作其刻是香齋

集時以文辭自况亦可謂中郎有女矣

于氏五代著述如此然鍾岳生前欲求來鶴堂習靜軒

諸集而不得其殘稿中有乞人蒐求之語又其藏書目

中亦不獲見近讀蒙古恩詠春君八旗藝文編目始一

一蹤跡得之此亦鍾岳九原所忻許者也

政聲

于鍾岳別傳

鍾岳宰正安時羣盜如毛鄉里為墟故下車後汲汲以

勞來良民練團禦侮為事及官遵義則築寨卻敵尤為

賢士大夫所稱道而勤惜民隱不憚慷慨直陳茲就其

遺牘中撮錄一二其目如左

稟遵義府夾軍 勸良民歸里示 開誠布公曉諭

告示 修築屯營禦匪事 畫界分團諭 團規

宣上功德勸化鄉民示 給王述甫等札 通稟辦

釐捐米無効請撤參治罪 貴陽城防條議稿 代

緩防務稟 遵札進繳螺螄賊匪並籌辦攻擊各硃
稟 通稟各憲奏匪上竄並呈繳葵川縣印稟

鍾岳從政日少公牘無多然即就諸牘論其撫字心勞
催科政拙之情灼然可見其守遵義時用堅壁清野之
策築寨以抗強賊黔匪之平胥用此術當時黔之紳儒
如黎庶昌鄭珍諸人或著爲文章形之歌詠亦有見之
志乘公牘者茲摘錄如左

黎庶昌禹門築寨始末記

節錄于
伯英政績

是歲也

咸豐十年

廣西賊僞翼王石達開自泗城竄入興

于鍾岳別傳

二十三

黔南叢書

義貞豐破廣順走黔西大定窺四川而提督田興恕
爲欽差大臣剿賊檄總兵沈宏富統虎威軍進攻玉
華山相持年餘不克退還遵義初平越人吳元彪以
策干蔣公玉龍蔣公謂其有反相不用又走遵義說
當事當事者悅之命將二千人往屯高臺寨上元彪
爲人沉勇有急智數計客賊賊恨之甚合黨絕其餉
道元彪乏食引還秦公安解渭潭任先鋒營亦散
遵義防弛十一年冬黃號賊乘勢趨渡上關安白兩
號賊趨三渡關五里坎大板角分道入寇從兄兆祺

于鍾岳別傳

二十三

黔南叢書

縣人張師敬各率鄉勇禦賊於高洞子三渡關皆潰
於是張保山據七星坡楊和豐據龍場連營百餘
里綏陽縣令于公鍾岳兼攝遵義渭潭正安三州縣
事親率所部駐禹門分遣把總吳元彪都司鄒開桂
屯金盆山馬鞍山沈宏富亦遣都司左近光屯宋家
壩吳元彪攻賊於皂角堰以除夕拔之報龍大勝于
公方移屯而宋家壩不守他鄉勇之往營牛心山者
亦不能軍僞秦王張保山巡由楊柳田上據禹門寺
同治元年正月十日也于公還軍綠塘河余兄庶齋
亦募勇出張飛龍約周開桂三面急攻賊遁仍復禹
門寺吳元彪攻拔關牛坎驪龍壩疾襲張保山走之
遂營七星坡正安人胡先紹先科率團練來援破賊
於麻家場遵義復無賊然險隘俱習賊時去時來不
常其得失來則所在焚掠團練禦之亦退由是築寨
之議興矣于公之任遵義也屢勸鄉人仿古堅壁清
野法修築寨堡自衛示三出而衆莫應至是余兄庶
齋從兄兆祺及里人劉漢英首任斯舉相度形勢就
禹門寺築寨鳩工積石閱五月而寨成爲門者四濠

牆樓堞皆具歸然一方重鎮矣同時興起者則有綠塘河白泡塘新舟場馬鞍山龍坑等以數十計而禹門爲最大東隅里則有東阜東勝東平等以數十計而東阜爲最大置守粗備秋閏八月石達開者再由四川入遵義稱號十萬逼郡城無現糧大恐于公檄調禹門團練助濟軍食兆祺以三百人運糧往與賊黨遇於朱泥壩力戰一日夜卒護入城人心始定鄒開桂屯城外紅花岡賊張黃蓋登插旗山以瞰城城上發礮轟擊稍稍引卻又爭開桂壘開桂出戰殺

于鍾岳別傳

二十四 黔南叢書

數人賊無意攻城數日釋圍西走所過鄉寨有施放鎗砲者輒搖手止之或僅索酒食復趨大定入雲南其餘迫近禹門兆祺禦之繼水收還再發精卒要之賊已不宿而去

下略

鄭珍閩八紀事百韻

伯英翁稿

嗚呼同治元我縣禍何劇周方百里地衆矢注一的
涓冠退東南粵賊進西北粵卻涓復來涓去粵仍逼
屈指廿四句攻禦罕甯刻官能幾何勞民有幾何力
而粵賊此來吉凶叵測毛而十萬餘所至如蝗蝻

出入無定途宿頓無營壁夜行速如鬼猝至誰及敵
苞人毆牛馬踐處聽所躡更聞善穴城鉦鼓令人惑
壕邊作女樂地底行魃賊全蜀兵賦雄僅能失其域
我縣彫翹餘何以能阻格吾弟唐鄂生奈何不善億
帶甲二萬人追奔出符璽意令走巴涪豈料禍鄉國
蜀軍及溫水賊犯播川驛兩道驅我縣大樓失險阨
維時閏初十已至龍厓側鬼妾擁牲鬪鬼馬截金帛
前水復後水羣羣來絡繹取道徑水西意於我乎借
蜺虺所經過甯能免蜚螫嗟我婦與子聞聲各逃匿

于鍾岳別傳

二十五 黔南叢書

或他里或城疑急更暇擇爭命泥雨中何方爲樂適
賊心狡變稍稍窺城漁羣情亦蒼黃官吏殊震競
繁繁于大夫西還不動色謂我士我民此斷不宜擊
我械無萬刀我儲無百石但無搖我城過我任旌獲
然彼甯有足豺獠不忘食但我兩城民披胸
一肝膈堅守待其動是爲根本策我師正東伐用遠
與涓寇扼馳調張思敬鄒開桂軍鄧隊德亦來即
雷砮鞏安關風高紅花柵鼓角接湘山表裏耀旌戟
城人盡登陴一塊十頭額豈無飢與寒心胆誓同威

北門李太守巡府增感激南門李都司部旅聽指勅
吾弟黎叔吉饒饒赴圍圍微爾識體要軍食仍孔轉
劉縣外李品三四君董勸極籌擘微爾日夜勤守
令誰羽翼我誠念我訓人和師必克賊乃侮我弱壓
豚翽牛瘠豈識中有人非虞公井伯十九臨我郭東
北滿旗幟登更上碧雲衆峯如蟻織飛礮斷首足朱
蓋倚崖踞我師猛如虎手到即斬馘捉活必雙擒仇
頭亂拋擲明日更大合窺我西南隙我師益愾怒七
遇髮皆植呼聲山岳動殺氣天地黑賊窮失弓罵料

于鍾岳別傳

二六 黔南叢書

我當倦亟六道攻紅花鼠智亦難逆張鄒信能軍一
鼓擣羣魄逆渠石達開振眼窺且嚇悔歎味一來快
手棄堪惜自此伐賊謀我罔無敢陟前驅既鱗鱗後
至仍戢戢畏我斷其後四郊故游奕撓我城守人保
固不遑輟豈知十全師不進寸退尺月終賊亦去此
難堪太息凡賊之過所空空騰阡陌掠我貨與賄不
知若干直虜我男與女不知幾千百盡室或驅去父
子不相覩舉家或屠殺身首不相識避洞死於薰入
溪死於溺五鄉何蕭條四隅尤慘極賊所棄蔬穀練

卒罄搜索賊所棄牲畜練卒罄轡勒賊所餘屋舍土
寇繼燬折存者何以歸歸者何以殖吳天胡不仁生
理可哀惻愍愍于大夫結砮諭囑昔虛始自古難救
時實良畫若能共急作保衛其家尙未必禁賊來打
禦終有益不見紅髮臺賊攻一無得不見海龍里賊
望先辟易桃坪及吳村更有戰勝績制賊與制練著
驗已明燼奈何一因循致受彌天厄既往不可咎來
者宜取則我無先人學足感黃巾賊衆人以師故一
家獨免役休戚父母邦豈曰非吾責朝暮上城頭粥

于鍾岳別傳

二七 黔南叢書

寒不暇嘆今朝喜初靜稍可弄筆舉大事安可忘巨
刳心暗盡善後當若何邦君賴仁德此據鄒君手稿
後來刻入先生
集中補遺者字
句微有異同

正安州志咸同軍事始末

錄自續正安
州志師旅門

正安士庶沐朝廷教育人心渾厚風氣寬柔士樂詩
書民安耕織八千里外巖邑享昇平福二百餘年雖
唐虞不及此然治極亂生成豐四年十一月初四日
桐梓螺螄逆首梁三發財榮得津梁啟鴻楊二將軍
王大批子王五閻亡涂三魁張麻貴張大不不余麻